



UNIVERSITÄTS-
BIBLIOTHEK
PADERBORN

**De Rebus Iaponicis, Indicis, Et Pervanis Epistolæ
Recentiores**

Hay, John

Antverpiæ, 1605

Amplissimo Clarissimoqve Viro Christophoro Ab Assonleville Regiæ
Catholicæ Maiestatis in Belgio, Primario Senatori.

[urn:nbn:de:hbz:466:1-61204](https://nbn-resolving.org/urn:nbn:de:hbz:466:1-61204)

AMPLISSIMO
 CLARISSIMOQVE VIRO
 CHRISTOPHORO
 AB ASSONLEVILLE REGIÆ
 CATHOLICÆ MAIESTA-
 TIS IN BELGIO, PRI-
 MARIO SENATORI.



N hoc senescentis labenti sc̄q̄ ecclesiæ
 ævo, quando per totum paneterra-
 rum orbem, iniquitate invalescen-
 te, multorum refrigescit caritas, ni-
 hil esse arbitror, Amplissime Do-
 mine, quod ad stabiliendam in no-
 bis auitam & orthodoxam fidem plus adferat momẽ-
 ti, atque illa diuinarum prædictionum de orbis uni-
 uersi nationibus & regnis, non ad Calvinianam, Lu-
 theranam, aut Anabaptisticam perfidiam; sed ad hæc
 eandem, quam à maioribus acceptam, Dei beneficio,
 sub vno Pastore supremo Rom. Pontifice inconcussam
 retinemus fidem traducendis, constans & succeden-
 tium sibi mutuo temporum serie continuata impletio.
 Nempe huc illa Prophetarum pertinent in diuinis
 expressa scripturis oracula. Isa. 49. Parum est mihi
 vt seruus mihi sis ad suscitandas tribus Iacob, & ad
 facies Israël conuertendas: ecce dedi te in lucem gen-

114719.

tium, ut sis salus mea usque ad extremum terra. Et
 quod interiectis paucis idem subiicit Vates: Ecce isti
 de longè venient, & ecce illi ab Aquilone & mari,
 & isti de terra Australi: Laudate cali, & exultet ter-
 ra: iubilate montes laudem, quia consolatus est Do-
 minus populus suū. Huc & illa Regij Prophetæ pro se-
 nectute ecclesiæ deprecantis pertinet oratio: Psal. 70.
 Deus docuisti me à iuuentute mea, & usque nunc pro-
 nunciabo mirabilia tua. Et usque in senectam & se-
 niū; Deus ne derelinquas me. Donec annunciē brachiū
 tuum generationi omni quæ ventura est. Ad omnem
 profectō generationē, quæ ubiuis terrarū sita est, euā-
 gelii debuit prædicatio penetrare; ut gētū plenitudo
 intraret. Quod dum fieri iam & in barbararum na-
 tionum ad Christi ecclesiā vocatione impleri cōspi-
 cimus; ex ista diuinarum promissionū infallibili veri-
 tate, non secus aduersus omnem fluctuationem in Ro-
 mana & Apostolica fide roboramur, atque olim doctis-
 simum Augustinum in Catholice & Romanæ fidei
 professione retinuit populorum & gentium diuersis-
 simarum consensus; retinuit autoritas, miraculis in-
 choata, spe nutrita, caritate auēta, vetustate firmata;
 retinuit ipsum Catholice Ecclesiæ nomen; retinuit ad
 extremum illa ab ipsa sede Petri Apostoli usque ad
 temporis illius Episcopatum continua successio Sa-
 cerdotum. Laudandus proinde zelus est & indefessus
 labor eorum, qui ex Societate nominis IESV ad poten-
 tissimas atque amplissimas Indorum Iaponiorūq; re-
 giones ad Apostolicæ legationis obeundū munus able-
 gati

gati, longè maximā in Romanā, hoc est in orthodoxā
 & Catholicā, Christi Ecclesiam inuexerunt segetē: nec
 tantū populos multos, adspirante illis Dei gratia, sed
 Reges etiā & regna integra ad Christianismū & ad eā-
 dē nobiscū ecclesiastici corporis cōpagem adduxerunt.
 Quo numero illi cū primis Iaponici Reges sunt habēdi,
 qui ante pauculos annos ad Tertiūdecimū Gregorium,
 per lōgissimos itineris tractus, emisissis Legatis, Pōrifi-
 ci Maximo Romanæq; Ecclesie in Amplissimo Illu-
 strissimorum Cardinaliū & utriusq; ordinis Procerū
 cōfessu, obedientiā publicè præstiterūt. Horū hic breuē
 & historicā edimus narrationem, adiectis epistolis va-
 riis, qua de illorū in Iaponiā reuersione, & de ea qua
 ad fidē Catholicā interim facta est accessione, ac demū
 de illius gētis moribus & inolitibus quibus ante veri Dei
 cultū imbuti erant superstitionibus, ab illis Societatis
 IESV Sacerdotibus, qui in Euāgelio illic laborāt, scri-
 pta & accepta nuperrimè fuerūt. Quæ omnia à R. P.
 Oliuero Mannarao, Societatis IESV in Belgio Pro-
 uinciali Præposito, in lucem edere iussus, eius etiā hor-
 tatu, clarissima Amplitud. tuæ nuncupo; ad eā qua ex
 fide est adificationem, tuæ in primis Amplitud. deinde
 verò cæteris omnibus qui ea lecturi sunt, haud dubiè
 profutura. Quod reliquū est Ampliss. clariss. Domine,
 Deū opt. max. oro, ut tua Amplitu. Belgio huic nostro,
 multis nominibus infelici atq; attrito, diu incolumem
 seruare dignetur. Louanio, 11. Cal. Martias, 1593.

Clariss. Amplitud. tuæ obseruantiss.
 HENRICVS CVYCKIUS.